

四庫全書

集部

欽定四庫全書

御定全唐詩卷四百四十九

白居易

太和戊申歲大有年詔賜百寮出城觀稼謹書  
盛事以俟采詩

清晨承詔命豐歲閱田間膏雨抽苗足涼風吐穗初  
早禾黃錯落晚稻綠扶疎好入詩家詠宜令史館書  
散為萬姓食堆作九年儲莫道如雲稼今秋雲不如

贈悼懷太子挽歌辭二首

奉詔  
撰進

竹馬書薨歲銅龍表葬時永言窀穸事全用少陽儀壽  
夭由天命哀榮出聖慈恭聞褒贈詔軫念在與夷  
剪葉藩封早承華冊命尊笙歌辭洛苑風雪蔽梁園鹵  
簿凌霜宿銘旌向月翻宮寮不逮事哭送出都門

雨中招張司業宿

過夏衣香潤迎秋簾色鮮斜支花石枕卧詠藥珠篇泥  
滓非遊日陰沈好睡天能來同宿否聽雨對牀眠

和集賢劉學士早朝作

吟君昨日早朝詩金御爐前喚仗時煙吐白龍頭宛轉

扇開青雉尾參差暫留春

一作書

殿多稱屈合入綸闈即

可知從此摩霄去非晚鬢邊

一作間

未有一莖絲

送陝州王司馬建赴任

建善詩者

陝州司馬去何如養靜

一作病

資貧兩有餘公事閒忙同

少尹料錢多少敵尚書祗攜美酒為行伴唯

一作獨

作新

詩趁下車自有

一作得

鐵牛無詠者料君投刃必應虛

對琴待月

竹院新晴夜松窗未卧時  
共琴為老伴與月有秋期  
玉軫臨風久金波出霧遲  
幽音待清景唯是我心知

楊家南亭

小亭門向月斜開滿地涼  
風滿地苔此一作北院好彈秋

思處終須一夜抱琴來

早寒

黃葉聚牆角青苔圍柱根  
被經霜後薄鏡遇雨來昏半

卷寒簷幕斜開暖閣門迎冬兼送老只仰酒盈尊

齋月靜居

病來心靜一無思老去身閒百不為忽忽眼塵猶愛睡  
些些口業尚誇詩葷腥每斷齋居月香火常親宴坐時  
萬慮消停百神泰唯應寂寞殺三尸

宿裴相公興化池亭

兼蒙借船  
舫遊汎

林亭一出宿風塵忘却平津是要津松閣晴看山色近  
石渠秋放水聲新孫弘閣閣無閒客傳說舟忙不借人

何似掄才濟川外別開池館待交親

和劉郎中望終南山秋雪

遍覽古今集都無秋雪詩陽春先唱後陰嶺未消時草  
訝霜凝重松疑鶴散遲清光莫獨占亦一作還對白雲司

廣府胡尚書頻寄詩因答絕句

尚書清白臨南海雖飲貪泉心不回唯向詩中得珠玉  
時時寄到帝鄉來

送鶴與裴相臨別贈詩

司空愛爾爾須知不信聽吟送一作乞鶴詩羽翮勢高寧

惜別稻梁恩厚

一作重

莫愁饑夜棲少

一作莫

共雞爭樹曉

一作日浴先饒鳳占池穩上青雲勿回顧的應勝在白家

時

令狐相公拜尚書後有喜從一作罷鎮歸朝之作

劉郎中先和因以繼之

車騎新從梁苑回履聲珮響入中臺鳳池望在終重去  
龍節功成且納來金勒最宜乘雪出玉觴何必待花開



尚書首唱郎中和不計官資只計才

送河南尹馮學士赴任

石渠金谷中間路軒騎翩翩十日程清洛飲冰添苦節

碧嵩看雪助高情謾誇河北操旄鉞莫羨江西一作擁

旆旌

時新除二鎮節度

何似府寮京令外別教三十六峰迎

讀鄂公傳

高卧深居不見人功名斗數似灰塵唯留一部清商樂

月下風前伴老身

烏夜啼

一有賦得字

城上歸時晚庭前宿處危月明無葉樹霜滑有風枝啼  
澀饑喉咽飛低凍翅垂畫堂鸚鵡鳥冷暖不相知

鏡換枯

欲將珠

一作朱

匣青銅鏡換取金尊白玉卮鏡裏老來無

避處尊前愁至有消時茶能散悶為功淺萱縱忘憂得

力遲不似

一作是

杜康神用速十分一盞便開春

冬夜聞蟲

蟲聲冬思苦於秋不解愁人聞亦愁我是老翁聽不畏  
少年莫聽白君頭

雙鸚鵡

綠衣整頓雙棲起紅背分明對語時始覺琵琶弦莽鹵  
方知吉了舌參差鄭牛識字吾常嘆

諺云鄭玄家牛觸牆成八字

丁

鶴能歌爾亦知若稱白家鸚鵡鳥籠中兼合解吟詩

贈朱道士

儀容白晢上仙郎方寸清虛內道場兩翼化生因服藥

三尸卧

一作餓

死為休糧醮壇北向宵占斗寢室東開早

納陽盡日窗間更無事唯燒一炷降真香

昨以拙詩十首寄西川杜相公相公亦以新作  
十首惠然報示首數雖等工拙不倫重以一章

### 用伸答謝

詩家律手在成都權與尋常將相殊  
翦截五言兼用鉞  
陶鈞六義別開爐  
驚人卷軸須知有  
隨事文章不道無  
篇數雖同光價異  
十魚目換十驪珠

和汴州令狐相公新於郡內栽竹百竿折壁開  
軒旦夕對翫偶題七言五韻

梁園修竹舊傳名園廢年深竹不生千畝荒涼尋一作栽

未得百竿青翠種新成牆開乍見重添興窗靜時聞別  
有情煙葉蒙籠侵夜色風枝蕭颯欲秋聲更登樓望尤

堪重千萬人家無一莖

汴州人家並無竹

重答汝州李六使君見和憶吳中舊遊五首

為憶娃宮與虎丘翫君新作不能休蜀牋寫出篇篇好

吳調吟時句句愁洛下林園終共住江南風月會重遊

先與李六有此二句之約

由來事過多堪惜何況蘇州勝汝州

李前刺蘇

州故有是句

見殷堯藩侍御憶江南詩三十首詩中多叙蘇

杭勝事余嘗典二郡因繼和之

江南名郡數蘇杭寓在

一作題寓

殷家三十章君是旅人猶

苦憶我為刺史更難忘境牽吟詠真詩國興入笙歌好

醉鄉為念舊遊終一去扁舟直擬到滄浪

聞新蟬贈劉二十八

蟬發一聲時槐花帶雨枝只應催我老兼遣報君知  
白髮生頭速青雲入手遲無過一杯酒相勸數開眉

贈王山人

玉芝觀裏王居士服氣餐霞善養身夜後不聞龜喘息  
秋來唯長鶴精神容顏盡怪長如故名姓多疑不是真  
貴重榮華輕壽命知君悶見世間人

和劉郎中學士題集賢閣

朱閣青山高庫齊與君才子作詩題傍聞大內笙歌近  
下視諸司屋舍低萬卷圖書天祿上一條風景月華西  
欲知丞相優賢意百步新廊不蹋泥

觀幻

有起皆因滅無睽不暫同從歡終作感轉苦又成空次  
第花生眼須臾燭一作竹過風更無尋覓處鳥跡印空中

病假中龐少尹攜魚酒相過

宦情牢落年將暮病假聯綿日漸深被老相催雖白首



與春無分未甘心閒停茶碗從容語醉把花枝取次吟  
勞動故人龐閣老提魚攜酒遠相尋

聽田順兒歌

憂王敲冰聲未停嫌雲不遏入青冥爭得黃金滿衫袖  
一時拋與斷年聽

聽曹剛琵琶兼示重蓮

撥撥弦弦意不同胡啼番語兩玲瓏誰能截得曹剛手  
插向重蓮衣袖中

酬令狐相公春日尋花見寄六韻

病卧帝王州花時不得遊  
老應隨日至春肯為人留粉  
壞杏將謝火繇桃尚稠白  
飄僧院地紅落酒家樓空裏  
雪相似晚來風不休吟君悵  
望句如到曲江頭

和劉郎中曲江春望見示

芳景多遊客衰翁獨在家  
肺傷妨飲酒眼痛忌看花  
寺路隨江曲宮一作官牆夾道斜  
羨君猶壯健不枉度年華

送東都留守令狐尚書赴任

翠華黃屋未東巡，碧洛青嵩付大臣。  
地稱高情多水竹，山宜閒望少風塵。  
龍門即擬為遊客，金谷先憑作主人。  
歌酒家家花處處，莫空管領上陽春。

自題新昌居止因招楊郎中小飲

地偏坊遠巷仍斜，最近東頭是白家。  
宿雨長齊鄰舍柳，晴光照出夾城花。  
春風小榼三升酒，寒食深爐一椀茶。  
能到南園同醉否，笙歌隨分有此些。

南園試小樂

小園斑駁花初發，新樂錚鏦教欲成。  
紅萼紫房皆手植，蒼頭碧玉盡家生。  
高調管色吹銀字，慢拽歌詞唱渭城。  
不飲一桮聽一曲，將何安慰老心情。

和微之春日投簡陽明洞天五十韻

青陽行已半，白日坐將徂。  
越國強仍大，稽城高且孤。  
利饒鹽煮海，名勝水澄湖。  
牛斗天垂象，台明地展圖。

天台四明

二環竒填市井佳，麗溢閩閩勾踐遺。  
風霸西施舊俗姝，船頭龍夭矯。  
橋脚獸睚眦，鄉味珍蟛蜞。

一作彭越

時鮮貴鷗

鵠語言諸夏異方服一方殊擣練蛾眉婢鳴榔蛙角奴  
江清敵伊洛山翠勝荆巫華表雙棲鶴聯檣幾點烏煙  
波分渡口雲樹接城隅澗遠松如畫洲平水似鋪綠科  
秧早稻紫笋折新蘆暖蹋泥中藕香尋石上蒲雨來萌  
盡達雷後蟄全蘇柳眼黃絲類花房蜂螭珠林風新竹  
折野燒老桑枯帶顰長枝蕙錢穿短貫榆暄和生野菜  
卑濕長街蕪女浣紗相伴兒烹鯉一呼山魃啼稚子林  
狖挂山都產業論蠶蟻孳生計鳴雛泉岩雪飄灑苔壁

錦漫糊堰限舟航路堤通車馬途耶溪岸回合禹廟徑  
盤紆洞穴何因鑿星槎誰與刻石凹仙藥白峰峭佛香  
爐去為投金簡來因挈玉壺貴仍招客宿健未要人扶  
聞望賢丞相儀形美丈夫前驅駐旌旆偏坐列笙竽刺  
史旗翻隼尚書履曳鳬學禪超後有觀妙造虛無髻裏  
傳僧寶環中得道樞登樓詩八詠置硯賦三都捧擁羅  
將綺趨躋紫與朱廟謨藏稷卨兵略貯孫吳令下三軍  
整風高四海趨千家得慈母六郡事嚴姑重士過三哺

輕財抵一銖送觥歌宛轉嘲妓笑盧胡佐飲時炮鼈蠲  
醒數鱸鱸醉鄉雖咫尺樂事亦湏臾若不中賢聖何由  
外智愚伊予一生志我爾百年軀江上三千里城中十  
二衢出多無伴侶歸只對妻孥白首青山約抽身去得  
無

酬鄭侍御多雨春空過詩三十韻

次用  
本韻

南雨來多滯東風動即狂月行離畢急龍走召雲忙鬼  
轉雷車響蛇騰電策光浸淫天似漏沮洳地成瘡慘淡

陰煙白空濛宿霧黃闇遮千里目悶結九回腸寂寞羈  
臣館深沈思婦房鏡昏鸞滅影衣潤麝消香蘭濕難紉  
珮花凋易落妝沾黃鶯翅重滋綠草心長紫陌皆泥濘  
黃污共森茫恐霖成怪沴望霽劇禎祥楚柳腰肢驕湘  
筠涕淚滂晝昏疑是夜陰盛勝於陽居士巾皆墊行人  
蓋盡張跣跬還屢出移蟻欲深藏端坐交遊廢閒行去  
步妨愁生垂白叟惱殺蹋青娘變海常須慮為魚慎勿  
忘此時方共懼何處可相將

此以下叙  
浙東政事

已望東溟禱仍



封北戶襍却思逢早魃誰喜見商羊預怕為蠶病先憂  
作麥傷惠應施浹洽政豈假揄揚祀典脩咸秩農書振  
滿牀丹誠期懇苦白日會昭彰賑廩賙饑戶苦城備壞  
牆且當營歲事寧暇惜年芳德勝令災弭人安在吏良  
尚書心若此不枉繫金章

和春深二十首

何處春深好春深富貴家馬為中路鳥妓作後庭花羅  
綺驅論隊金銀用斷一作短車眼前何所苦唯苦日西斜

何處春深好春深貧賤家荒涼三徑草冷落四鄰花奴  
困歸傭力妻愁出賃車途窮平路險舉足劇褒斜

何處春深好春深執政家鳳池添硯水雞樹落衣花詔  
借當衢宅恩容上殿車延英開對久門與日西斜

何處春深好春深方鎮家通犀排帶胯瑞鶻一作鶴勘袍

花飛絮衝毬馬垂楊拂妓車戎裝拜春設左握寶刀斜

何處春深好春深刺史家陰繇棠布葉岐秀麥分花五

匹鳴珂馬雙輪畫戟一作戰車和風引行樂葉葉隼旗斜

何處春深好春深學士家  
鳳書裁五色馬鬣剪三花  
蠟炬開明火銀臺賜物車  
相逢不敢揖彼此帽低斜

何處春深好春深女學家  
慣看溫室樹飽識浴堂花  
御印提隨仗香牋把下車  
宋家宮樣髻一片綠雲斜

何處春深好春深御史家  
絮繁驄馬尾蝶繞繡衣花  
破柱行持斧埋輪立駐車  
入班遙認得魚貫一行斜

何處春深好春深遷客家  
一柸寒食酒萬里故園花  
炎瘴蒸如火光陰走似車  
為憂鵬鳥至只恐日光斜

何處春深好春深經業家  
唯求太常第不管曲江花  
折桂名慙却收螢志慕車  
官場泥補處最怕寸陰斜

何處春深好春深隱士家  
野衣栽薜葉山飯曬松花  
蘭索紉幽珮蒲輪駐軟車  
林間箕踞坐白眼向人斜

何處春深好春深漁父家  
松灣隨櫂月桃浦落船花  
投餌移輕楫牽輪轉小車  
蕭蕭蘆葉裏風起釣絲斜

何處春深好春深潮戶家  
濤翻三月雪浪噴四時花  
曳練馳千馬驚雷走萬車  
餘波落何處江轉富陽斜

何處春深好春深痛飲家十分  
枯裏物五色眼前花鋪  
歡眠糟甕流涎見麴車

杜甫詩云路見麴車口流涎

中山一沈醉千

度日西斜

何處春深好春深上已家  
蘭亭席上酒曲洛岸邊花弄  
水遊童擢湔裙小婦車齊橈  
爭渡處一匹錦標斜

何處春深好春深寒食家  
玲瓏鏤雞子宛轉綠毬花碧  
草追遊騎紅塵拜掃車鞦韆  
細腰女搖曳逐風斜

何處春深好春深博奕家  
一先爭破眼亦聚闌成花鼓

應投壺馬兵衝象戲車彈碁局上事最妙是長斜

何處春深好春深嫁女家紫排襦上雉黃帖鬢邊花轉

燭初移障鳴環欲上車青衣傳去聲氍毹錦繡一條斜

何處春深好春深娶婦家兩行籠裏燭一樹扇間花賓

拜登華席新迎障幃車催妝詩未了星斗漸傾斜

何處春深好春深妓女家著欺楊柳葉裙妬石榴花蘭

麝熏行被金銅釘坐車杭州蘇小小人道最天伊耶反斜

詠家醞卞韻

獨醒從古笑靈均長醉如今數伯倫舊法依稀傳自杜

康杜新方要妙得於陳

陳郎中此傳受此法

井泉王相資重九麴蘖

精靈用上寅

水用九月九日  
麴用七月上寅

釀糯豈勞炊范黍撒筭何

假漉陶巾常嫌竹葉猶凡濁始覺榴花不正真甕揭開

時香酷烈餅封貯後味甘辛捧疑明水從空化飲似陽

和滿腹春色洞玉壺無表裏光搖金醖有精神能銷忙

事成閒事轉得憂人作樂人應是世間賢聖物與君還

往擬終身

池鶴二首

高竹籠前無伴侶，亂雞羣裏有風標。  
低頭乍恐丹砂落，曬翅常疑白雪消。  
轉覺鸕鷀毛色下，苦嫌鸚鵡語聲嬌。  
臨風一唳思何事，悵望青田雲水遙。

池中此鶴鶴中稀，恐是遼東老令威。  
帶雪松枝翹膝脰，一作籠放花菱片綴毛衣。  
低迴且向林間宿，奮迅終須天外飛。  
若問故巢知處在，主人相戀未能歸。

對酒五首



巧拙賢愚相是非何如一醉盡忘機  
君知天地中寬窄  
鵬鶚鸞皇各自飛

蝸牛角上爭何事  
石火光中寄此身  
隨富隨貧且歡樂  
不開口笑是癡人

丹砂見火去無迹  
白髮泥人來不休  
賴有酒仙相暖熱  
松喬醉即到前頭

百歲無多時壯健  
一春能幾日清明  
相逢且莫推辭醉

聽唱陽關第四聲

第四聲勸君更盡一杯  
酒西出陽關無故人

昨日低眉問疾來今朝收淚弔人回眼前流例君看取  
且遣琵琶送一柸

僧院花

欲悟色空為佛事故栽芳樹在僧家細看便是華嚴偈  
方便風開智慧花

老戒

我有白頭戒聞於韓侍郎老多憂活計病更戀班行矍  
鑠誇身健周遮說話長不知吾免否兩鬢已成霜

洛橋寒食日作十韻

上苑風煙好中橋道路平  
蹴毬塵不起潑火雨新晴  
宿醉頭仍重晨遊眼乍明  
老慵雖省事春誘尚多情  
遇客踟躕立尋花取次行  
連錢嚼金勒鑿落寫銀罌  
府醞傷一作喜觴一作氣教送官娃豈一作喜要迎舞腰那及柳歌舌不如  
驚鄉國真堪戀光陰可合輕  
三年遇寒食一作寒食節盡在洛陽城

快活

可惜鶯啼花落處一壺濁酒送殘春可憐月好風涼夜  
一部清商伴老身飽食安眠消日月閒談冷笑接交親  
誰知將相王侯外別有優游快活人

送令狐相公赴太原

六纛雙旌萬鐵衣并汾舊路滿光輝青衫書記何年去

紅旆將軍

藩鎮例  
駐紅旆

昨日歸詩作馬蹄隨筆走獵酣鷹翅

伴觥飛此

一作北

都莫作多時計再為蒼生入紫微

不出

簷前新葉覆殘花席上餘栢對早茶好是老身銷日處  
誰能騎馬傍人家

惜落花

夜來風雨急無復舊花林枝上三分落園中二一作寸

深日斜啼鳥思春盡老人心莫怪添栢飲多情酒不禁

老病

晝聽笙歌夜醉眠若非月下即花前如今老病須知分  
不負春來二十年

憶晦叔

遊山弄水攜詩卷  
看月尋花把酒杯  
六事盡思君作伴  
幾時歸到洛陽來

送徐州高僕射赴鎮

大紅旆引碧幢一作油旌  
新拜將軍指點行  
戰將易求何

足貴書生難得始  
堪榮離筵歌舞花  
叢散候騎刀槍雪  
隊迎應笑蹉跎白  
頭尹  
風塵唯管洛陽城

琴酒

耳根得聽琴初暢心地忘機酒半酣若使啟期兼解醉  
應言四樂不言三

聽幽蘭

琴中古曲是幽蘭為我慇懃更弄看欲得身心俱靜好  
身彈不及聽人彈

六年秋重題白蓮

素房含露玉冠鮮紺葉搖風鈿扇圓本是吳州供進藕  
今為伊水寄生蓮移根到此三千里結子今經六七年

不獨池中花故舊兼乘舊日採花船

元相公挽歌詞三首

銘旌官重威儀盛騎吹聲絲鹵簿長後魏帝孫唐宰相  
六年七月葬咸陽

墓門已閉笳蕭去一作遠唯有夫人哭不休蒼蒼露草咸

陽壠此是千秋第一秋

送葬萬人皆慘澹反虞駟馬亦悲鳴琴書劍珮誰收拾  
三歲遺孤新學行



卧聽法曲霓裳

金磬玉笙調

一作和

已久牙牀角枕睡常遲朦朧閒夢初

成後宛轉柔聲入破時樂可理心應不謬酒能陶性信

一作定

無疑起嘗殘酌聽餘曲斜背銀缸半下帷

結之

歡愛今何在悲啼亦是空同為一夜夢共過十年中

五鳳樓晚望

六年八月十日作

晴陽晚照濕煙銷五鳳樓高天次寥野綠全經朝雨洗

林紅半被暮雲燒  
龍門翠黛著相對  
伊水黃金線一條  
自入秋來風景好  
就中最好是今朝

寄劉蘇州

去年八月哭微之  
今年八月哭敦詩  
何堪老淚交流日  
多是秋風搖落時  
泣罷幾迴深自念  
情來一倍苦相思  
同年同病同心事  
除却蘇州更是有一作誰

送客

病上籃輿相送來  
衰容秋思兩悠哉  
涼風裊裊吹槐子

却請行人勸一卮

秋思

夕照紅於燒晴空碧勝藍獸形雲不一弓勢月初三鴈  
思來天北砧愁滿水南蕭條秋氣味未老已深諳

酬夢得秋夕不寐見寄

次用  
本韻

碧簾絳紗帳夜涼風景清病聞和藥氣渴聽碾茶聲露  
竹偷燈影煙松護月明何言千里隔秋思一時生

題周家歌者

清紫如敲玉深圓似轉簧一聲腸一斷能有幾多腸

憶夢得

夢得能唱竹枝聽者絕愁

齒髮各蹉跎疎慵與病和愛花心在否見酒興如何年  
長風情少官高慮多幾時紅燭下聞唱竹枝歌

贈同座

春黛雙蛾嫩

一作  
歛

秋蓬兩鬢侵謀歡身太晚恨老意彌

深薄解燈前舞尤能酒後吟花叢便不入猶自未甘心

失婢

今集本  
脫此首

宅院小牆庫坊門帖榜遲舊恩慚自薄前事悔難追籠  
鳥無常主風花不戀枝今宵在何處唯有月明知

夜招晦叔

庭草留霜池結冰黃昏鐘絕凍雲凝碧瓊帳上正飄雪  
紅火爐前初炷燈高調秦箏一兩弄小花蠻榼二三升  
為君更奏湘神曲夜就儂來一作家能不能

戲答皇甫監

時皇甫監  
初喪偶

寒宵勸酒君須飲君是孤眠七十身莫道非人身不煖

十分一醖煖於人

和楊師臯傷小姬英英

自從嬌驂一相依共見楊花七度飛玳瑁牀空收枕席  
琵琶弦斷倚屏幃人間有夢何曾入泉下無家豈是歸  
墳上少啼留取淚明年寒食更沾衣

池邊即事

羶帳胡琴出塞曲蘭塘越櫂弄潮聲何言此處同風月  
薊北江南萬里情

聞樂感鄰

老去親朋零落盡秋來弦管感傷多尚書宅畔悲鄰笛

廷尉門前歎雀羅

東鄰王大理去冬云亡南鄰崔尚書今秋薨逝

綠綺窗空分

妓女絳紗帳掩罷笙歌歡娛未足身先去爭奈書生薄

命何

御定全唐詩卷四百四十九

# 欽定四庫全書

集部

御定全唐詩卷四百五十一

詳校官庶吉士胡鈺

主事銜臣徐坤履勘

總校官知縣臣繆琪

校對官助教臣羅萬選

謄錄監生臣姚培敦



欽定四庫全書

御定全唐詩卷四百五十一

白居易

戊申歲暮詠懷三首

窮冬月末兩三日  
半百年過六七時  
龍尾趨朝無氣力  
牛頭參道有心期  
榮華外物終須悟  
老病傍人豈得知  
猶被妻兒教漸退  
莫求致仕且分司

唯生一女才十二  
祇欠三年未六旬  
婚嫁累輕何怕老

饑寒心慣不憂貧紫泥丹筆皆經手赤紱金章盡到身  
更擬踟躕覓何事不歸嵩洛作閒人

七年囚閉作籠禽但願開籠便入林幸得展張今日翅  
不能辜負惜時心人間禍福愚難料世上風波老不禁  
萬一差池似前事又應追悔不抽簪

贈夢得

心中萬事不思量坐倚屏風卧向陽漸覺詠詩猶老醜  
豈宜憑酒更麤狂頭垂白髮我思退脚蹋青雲君欲忙

只有今春相伴在花前  
賸醉雨三場

想東遊五十韻

并序

大和三年春予病免官後憶遊浙右數郡兼思到  
越一訪微之故兩浙之間一物以上想皆在目吟  
且成篇不能自休盈五百字亦猶孫興公想天台  
山而賦之也

海內時無事江南歲有秋  
生民皆樂業地主盡賢侯  
郊靜銷戎馬城高逼斗牛  
平河七百里沃壤二三州

自常及杭

凡三百里坐有湖山趣行無風浪憂食寧妨解纜寢不廢乘

流泉石諳天竺煙霞識虎丘

天竺虎丘寺皆領郡時舊游最熟處

餘芳認蘭

澤遺詠思蘋洲

古詩云蘭澤多芳草又柳惲詩云汀洲採白蘋

菡萏紅塗粉菰

蒲綠潑油鱗差漁戶舍綺錯稻田溝紫洞藏仙窟玄泉

貯怪湫精神昂老鶴姿彩媚潛蚪

大謝詩云潛蚪媚幽姿

靜閱天

工妙閒窺物狀幽投竿出比目擲果下獼猴味苦蓮心

小漿甜蔗節稠橘苞從自結藕孔是誰鏤逐日移潮信

隨風變權謳遞夫交烈火候更次鳴騶梵塔形疑踊

重立

閨門勢欲浮吳閨門客迎攜酒榼僧待置茶甌小宴閒

談笑初筵雅獻酬稍催朱蠟炬徐動碧牙籌圓醖飛蓮

子長裾曳石榴柘枝隨畫鼓調笑從香毬幕颺雲飄檻

簾褰月露鉤舞絲紅袖凝去聲歌切翠睂愁弦管寧容歇

栢盤未許收良辰宜酩酊卒歲好優游鱸縷鮮仍細蓴

絲滑且柔飽殮為日計穩睡是身謀名媿空虛得官知

止足休自嫌猶屑屑衆笑大悠悠物表疎形役人寰足

悔尤蛾須遠燈燭兔勿近罝罟幻世春來夢浮生水上

漚百憂中莫入一醉外何求未死癡王湛無兒老鄧攸

蜀琴安膝上周易在牀頭去去無程客行行不繫舟勞

君頻問訊勸我少淹留

自此後並屬微之

雲雨多分散關山苦

阻修一吟江月別七見日星周

昔在杭州別微之微之留詩云明朝又向江頭

別月落潮平是去時

珠玉傳新什鵷鸞念故儔懸旌心宛轉束楚

意綢繆驛舫粧青雀官槽餗紫駟鏡湖期遠汎禹穴約

冥搜預掃題詩壁先開望海樓飲思親履舄宿憶竝衾

裯志氣吾衰也風情子在不應須相見後別作一家遊

吾衰子在  
並出家語

病免後喜除賓客

卧在漳濱滿十旬起為商皓伴三人從君且莫嫌身病  
不病何由索得身

長樂亭留別

灞漣風煙函谷路曾經幾度別長安昔時蹙促為遷客  
今日從容自去官優詔幸分四皓秩祖筵慚繼二疎歡  
塵纓世網重重縛迴顧方知出得難

陝府王大夫相迎偶贈

紫微閣老自多情  
白首園公豈要迎  
伴我綠槐陰下歇  
向君紅旆影前行  
綸巾髮少渾歌仄  
籃輦肩齊甚穩平  
但問主人留幾日  
分司賓客去無程

別陝州王司馬

笙歌惆悵欲為別  
風景關珊初過春  
爭得遣君詩不苦  
黃河岸上白頭人

將至東都先寄令狐留守



黃鳥無聲葉滿枝閒吟想到洛城時惜逢金谷三春盡  
恨拜銅樓一月遲詩境忽來還自得醉鄉潛去與誰期  
東都添箇狂賓客先報壺觴風月知

答崔十八見寄

明朝欲見琴尊伴洗拭金栴拂玉徽君乞曹州刺史替  
我拋刑部侍郎歸倚瘡老馬收蹄立避箭高鴻盡翅飛  
豈料洛陽風月夜故人垂老得相依

贈皇甫賓客

輕衣穩馬槐陰路漸近東來漸少塵耳聞久憎聞俗事  
眼明初喜見閒人昔曾對作承華相今復連為博望賓  
始信淡交宜久遠與君轉老轉相親

歸履道宅

驛吏引藤輦家童開竹扉往時多暫住今日是長歸眼  
下有衣食耳邊無是非不論貧與富飲水亦應肥

問江南物

歸來未及問生涯先問江南物在耶引手摩挲青石笋

迴頭點檢白蓮花  
蘓州舫故龍頭閣  
王尹橋傾鴈齒斜  
別有夜深惆悵事  
月明雙鶴在裴家

蕭庶子相過

半日停車馬何人在  
白家慇懃蕭庶子  
愛酒不嫌茶

答尉遲少尹問所須

乍到頻勞問所須  
所須非玉亦非珠  
愛君水閣宜閒詠  
每有詩成許去無

詠閒

但有閒銷日都無事繫懷朝眠因客起午飲伴僧齋樹  
合陰交戶池分水夾階就中今夜好風月似江淮

同崔十八寄元浙東王陝州

未能同隱雲林下且復相招祿仕間隨月有錢勝賣藥  
終年無事抵歸山鏡湖水遠何由汎棠樹枝高不易攀  
惆悵八科殘四在兩人榮開兩人閒

答蘇庶子月夜聞家僮奏樂見贈

牆西明月水東亭一曲霓裳按小伶不敢邀君無別意

弦生管澀未堪聽

偶吟

里巷多通水林園盡不扃  
松身為外戶池面是中庭  
元氏詩三帙陳家酒一瓶  
醉來狂發詠鄰女暝籬聽

白蓮池汎舟

白藕新花照水開  
紅窗小舫信風迴  
誰教一片江南興  
逐我慇懃萬里來

池上即事

行尋甃石引新泉坐看修橋補釣船綠竹挂衣涼處歇  
清風展簾困時眠身閒當貴真天爵官散無憂即地仙  
林下水邊無厭日便堪終老豈論年

酬裴相公見寄二絕

習靜心方泰勞生事漸稀可憐安穩地捨此欲何歸  
一雙垂翅鶴數首解嘲文總是迂閒物爭堪伴相君

答夢得聞蟬見寄

一作新蟬酬  
劉夢得見寄

開緘思浩然獨詠晚風前人貌非前日蟬聲似去年槐

花新雨後柳影欲秋天聽罷無他計相思又一篇

令狐尚書許過弊居先贈長句

不矜軒冕愛林泉許到池頭一醉眠已遣平治行藥逕  
兼教掃拂釣魚船應將筆硯隨詩主定有笙歌伴酒仙  
祇候高情無別物蒼苔石笋白花蓮

自題

老宜官冷靜貧賴俸優饒熱月無堆案寒天不趣朝傍  
看應寂寞自覺甚逍遙徒對盈尊酒兼無愁可銷

答崔十八

勞將白叟比黃公  
今古由來事不同  
我有商山君未見  
清泉白石在胸中

偶詠

禦熱蕉衣健扶羸  
竹杖輕誦經凭檻  
立散藥繞廊行瞑  
槿無風落秋蟲欲  
雨鳴身閒當將息  
病亦有心情

答蘇六

但喜暑隨三伏去  
不知秋送二毛來  
更無別計相寬慰



故遣陽關勸一桮

秋遊

下馬閒行伊水頭  
涼風清景勝春遊  
何事古今詩句裏  
不多說著洛陽秋

偶作

張翰一桮酒  
榮期三樂歌  
聰明傷混沌  
煩惱老汚頭  
陋簞  
冷秋生早堦  
閒日上多近  
來門更靜  
無雀可張羅

遊平原贈晦叔

照水容雖老登山力未衰欲眠先命酒暫歇亦吟詩且  
喜身無縛終慙鬢有絲迴頭語閒伴閒校十年遲

不出門

不出門來又數旬將何銷日與誰親鶴籠開處見君子  
書卷展時逢古人自靜其心延壽命無求於物長精神  
能行便是真脩道何必降魔調伏身

歎

一作勸

鶴病

右翅低垂左脛傷可憐風貌甚昂藏亦知白日青天好

未要高飛且養瘡

臨都驛送崔十八

勿言臨都五六里扶病出城相送來莫道長安一步地  
馬頭西去幾時迴與君後會知何處為我今朝盡一枯

對鏡

三分鬢髮二分絲曉鏡秋容相對時去作忙官應太老  
退為閒叟未全遲靜中得味何須道穩處安身更莫疑  
若使至今黃綺在聞吾此語亦分司

勸酒十四首

并序

予分秩東都居多暇日閒來輒飲醉後輒吟若一作

苦無詞章不成謠詠每發一意則成一篇凡十四

篇皆主於酒聊以自勸故以何處難忘酒不如來

飲酒命篇

何處難忘酒七首

何處難忘酒長安喜氣新初登高第後乍作好官人省  
壁明張榜朝衣穩稱身此時無一醖爭奈帝城春

何處難忘酒天涯話舊情青雲俱不達白髮遞相驚二  
十年前別三千里外行此時無一醖何以叙平生  
何處難忘酒朱門羨少年春分花發後寒食月明前小  
院迴羅綺深房理管弦此時無一醖爭過艷陽天

何處難忘酒霜庭老病翁聞聲啼蟋蟀乾葉落梧桐鬢  
為愁先白顏因醉暫紅此時無一醖何計奈秋風  
何處難忘酒軍功第一高還鄉隨露布半路授旌旄王  
柱剝葱手金章爛襪袍此時無一醖何以騁雄豪

何處難忘酒青門送別多  
歛襟收涕淚簇馬聽笙歌  
煙樹灞陵岸風塵長樂坡  
此時無一釥爭奈去留何

何處難忘酒逐臣歸故園  
赦書逢驛騎賀客出都門  
半面瘴煙色滿衫鄉淚痕  
此時無一釥何物可招魂

不如來飲酒七首

莫隱深山去君應到自嫌  
齒傷朝水冷貌苦夜霜嚴  
漁去風生浦樵歸雪滿巖  
不如來飲酒相對醉厭厭

莫作農夫去君應見自愁  
迎春犁瘦地起晚餽羸牛  
數

被官加稅稀逢歲有秋不如來飲酒相伴醉悠悠

莫作商人去恓惶君未諳雪霜行塞北風水宿江南藏  
錐百千萬沈舟十二三不如來飲酒仰面醉酣酣

莫事長征去辛勤難具論何曾畫麟閣祇是老轅門蟻  
蟲衣中物刀槍面上痕不如來飲酒合眼醉昏昏

莫學長生去仙方悞殺君那將薤上露擬待鶴邊雲矧  
矧皆燒藥累累盡作墳不如來飲酒閒坐醉醺醺

莫上青雲去青雲足愛憎自賢誇智慧相糺鬬功能魚

爛緣吞餌蛾焦為撲燈不如來飲酒任性醉騰騰

莫入紅塵去令人心力勞相爭兩蝸角所得一牛毛且  
滅嗔中火休磨笑裏刀不如來飲酒穩卧醉陶陶

和令狐相公寄劉郎中兼見示長句

日月天衢仰面看尚淹池鳳滯臺鸞碧幢千里空移鎮  
赤筆三年未轉官別後縱吟終少興病來雖飲不多歡  
酒軍詩敵如相遇臨老猶能一據鞍

即事



見月連宵坐聞風盡日眠  
室香羅藥氣籠煖焙茶煙  
鶴啄新晴地雞棲薄暮天  
自看淘酒米倚杖小池前

期宿客不至

風飄雨灑簾帷故竹暎松  
遮燈火深宿客不來嫌  
冷落一尊酒對一張琴

問移竹

問君移竹意如何慎勿排行  
但問一作見窠多種少栽皆

有意大都少校不如多

重陽席上賦白菊

滿園花菊鬱金黃中有孤叢色似霜  
還似今朝歌酒席白頭翁入少年場

偶吟二首

眼下有衣兼有食心中無喜亦無憂  
正如身後有何事應向人間無所求  
靜念道經深閉目閒迎禪客小低頭  
猶殘少許雲泉興一歲龍門數度遊

晴教曬藥泥茶竈閒看科松洗竹林  
活計縱貧長淨潔

池亭雖小頗幽深  
厨香炊黍調和酒  
窗暖安弦拂拭琴  
老去生涯祇如此  
更無餘事可勞心

何處春先到

何處春先到  
橋東水北亭  
凍花開未得  
冷酒酌一作著難

醒就日移輕榻遮風展  
小屏不勞人勸醉  
鶯語漸丁寧

勉閒遊

天時人事常多故  
一歲春能幾處遊  
不是塵埃便風雨  
若非疾病即悲憂

一作愁

貧窮心苦多無興  
富貴身忙不

自由唯有分司官恰好閒遊雖老未能休

寄兩銀榼與裴侍郎因題兩絕句

貧無好物堪為信雙榼雖輕意不輕願奉謝公池上酌  
丹心綠酒一時傾

慣和麴蘖堪盛否重用鹽梅試洗看小器不知容幾許

襄陽米賤酒升寬

銀匠洗銀多以  
鹽花梅漿也

小橋柳

細水涓涓似淚流日西惆悵小橋頭衰楊葉盡空枝在

猶被霜風吹不休

哭微之二首

八月涼風吹白幕  
寢門廊下哭微之  
妻孥朋友來相弔  
唯道皇天無所知

文章卓犖生無敵  
風骨英靈歿有神  
哭送咸陽北原上  
可能隨例作灰塵

馬上晚吟

人少街荒已寂寥  
風多塵起重蕭條  
上陽落葉飄宮樹

中渡流澌擁渭橋出早冒寒衣  
披薄歸遲侵黑酒全消  
如今不是閒行日日短天陰  
坊曲遙

醉中重留夢得

劉郎劉郎莫先起蘇臺蘇臺隔雲水  
酒醖來從一百分  
馬頭去便三千里

雪夜喜李郎中見訪兼酬所贈

可憐今夜鵝毛雪引得高情鶴  
氎人紅蠟燭前明似晝  
青氊帳裏暖如春十分滿醖黃  
金液一尺中庭白玉塵

對此欲留君便宿詩情酒分合相親

任老

不愁陌上春光盡亦任庭前日影斜  
面黑眼昏頭雪白  
老應無可更增加

勸歡

火急歡娛慎

一作切

勿遲眼看老病悔難追  
尊前花下歌

筵裏會有求來不得時

荅王尚書問履道池舊橋

虹梁鴈齒隨年換素板朱欄逐日修但恨尚書能久別  
莫愁州一作川守不頻遊重移舊住開中眼亂種新花擁  
兩頭李郭小船何足問待君乘過濟川舟

晚歸府

晚從履道來歸府街路雖長尹不嫌馬上涼於床上坐  
綠槐風透紫蕉衫

從龍潭寺至少林寺題贈同遊者

山屐田衣六七賢  
寒芳蹋翠弄潺湲  
九龍潭月落  
枯酒



三品松風飄管弦強健且宜遊勝地清涼不覺過炎天  
始知駕鶴乘雲外別有逍遙地上仙

夜從法王寺下歸嶽寺

雙刹夾虛空綠雲一徑通似從忉利下如過劍門中燈  
火光初合笙歌曲未終可憐獅子座昇出淨名翁

宿龍潭寺

夜上九潭誰是伴雲隨飛蓋月隨栢明年尚作三川守  
此地兼將歌舞來

嵩陽觀夜奏霓裳

開元遺曲自淒涼  
況近秋天調是商  
愛者誰人唯白尹  
奏時何處在嵩陽  
迴臨山月聲彌怨  
散入松風韻更長  
子晉少姨聞定怪  
人間亦便有霓裳

過元家履信宅

雞犬喪家分散後  
林園失主寂寥時  
落花不語空辭樹  
流水無情自入池  
風蕩醺船初破漏  
雨淋歌閣欲傾欹  
前庭後院傷心事  
唯是春風秋月知

和杜錄事題紅葉

寒山十月旦霜葉一時新似燒非因火如花不待春連  
行排絳帳亂落剪紅巾解駐籃轡看風前唯兩人

題崔常侍濟上別墅

時常侍以長告罷  
歸今故先報泉石

求榮爭寵任紛紛脫棄金貂祇有君散員疏去未為貴  
小邑陶休何足云山色好當晴後見泉聲宜向醉中聞  
主人憶爾爾知否拋却青雲歸白雲

過溫尚書舊莊

白石清泉拋濟口  
碧幢紅旆照河陽  
邨人都不知時事  
猶自呼為處士莊

天壇峰下贈杜錄事

年顏氣力漸衰殘  
王屋中峰欲上難  
頂上將探小有洞

小有洞在天壇頂上

喉中須嚥大還丹

時杜方煉伏火砂次

河車九轉宜精

鍊火候三年在好看  
他日藥成分一粒  
與君先去掃天壇

贈僧五首

鉢塔院如大師

師年八十三登壇秉律凡六十年每歲於師處授八關戒

者九度

百千萬劫菩提種八十年功德林若不秉持僧行苦  
將何報答佛恩深慈悲不瞬諸天眼清淨無塵幾地心  
每歲八關蒙九授慇懃一戒重千金

神照上人

照以說壇為佛事

心如定水隨形應口似懸河逐病治曾向衆中先禮拜  
西方去日莫相遺

自遠禪師

遠以無事為佛事

自出家來長自在身緣一衲一繩牀令人見即心無事  
每一相逢是道場

宗實上人

實即樊司空之子捨官位妻子出家

榮華恩愛棄成唾戒定真如和作香今古雖殊同一法  
瞿曇拋却轉輪王

清閒上人

自蜀入洛於長壽寺說法度人

梓潼眷屬何年別長壽壇場近日開應是蜀人皆度了

法輪移向洛中來

彈秋思

信意閒彈秋思時調清聲直韻疎遲近來漸喜無人聽  
琴格高低心自知

自詠

隨宜飲食聊充腹取次衣裘亦煖身未必得年非瘦薄  
無妨長福是單貧老龜豈羨犧牲飽蟠木寧爭桃李春  
隨分自安心自斷是非何用問閒人

分司初到洛中偶題六韻兼戲呈馮尹

相府念多病春宮容不才官銜依

一作隨

口得俸料

一作祿

逐身來白首林園在紅塵車馬迴招呼新客侶

一作旅

掃

掠舊池臺小舫宜攜樂新荷好蓋栢不知金谷主早晚  
賀筵開

春風

春風先發苑中梅櫻杏桃李次第開薺花榆莢深邨裏  
亦道春風為我來





御定全唐詩卷四百五十

欽定四庫全書

御定全唐詩卷四百五十一

白居易

洛陽春

洛陽陌上春長在惜

一作昔

別今來二十年唯覓少年心

不得其餘萬事盡依然

恨去年

老去唯

一作猶

耽酒春來不著家去年來校晚不見洛陽

花

早出晚歸

早起或因攜酒出晚歸多是看花迴若拋風景長閒坐  
自問東京作底來

魏王堤

花寒嬾發鳥慵啼信馬閒行到日西何處未春先有思  
柳條無力魏王堤

嘗黃醅新酎憶微之

世間好物黃醅酒天下閒人白侍郎愛向卯時謀洽樂  
亦曾酉日放麤狂醉來枕麴貧如富詩云一醉日富身後堆金  
有若亡元九計程殊未到甕頭一釀共誰嘗

勸行樂

少年信美何曾久春日雖遲不再中一作逢歡笑勝愁歌

勝哭請君莫道等頭空

老慵

豈是交親向我疎老慵自愛閉門居近來漸喜知聞斷

免惱嵇康索報書

酬別微之

臨都驛  
醉後作

灋頭峽口錢唐岸三別都經二十年且喜筋骸俱健在  
勿嫌鬚鬢各皤然君歸北闕朝天帝我住東京作地仙  
博望自來非棄置承明重入莫拘牽醉收枯朽傳燈語  
寒展衾裯對枕眠猶被分司官繫絆送君不得過甘泉  
予與微之老而無子發於言歎著在詩篇今年  
冬各有一子戲作二什一以相賀一以自嘲

常憂到老都無子何況新生又是兒陰德自然宜有慶

于公陰德其後蕃昌

皇天可得道無知皇天無知伯道無兒一園水竹今為

主

微之履信新居多水竹也

百卷文章更付誰

微之文集凡一百卷

莫慮鷓鴣

無浴處即應重入鳳皇池

五十八翁方有後靜思堪喜亦堪嗟一珠甚小

一作少

還

慚蚌八

一作九

子雖多不羨鴉秋月晚生丹桂實春風新

長紫蘭芽持栢祝願無他語慎勿頑愚似汝爺

自問

年來私自問何故不歸京佩玉腰無力看花眼不明老  
慵難發遣春病易滋生賴有彈琴女時時聽一聲

晚桃花

一樹紅桃亞拂池竹遮松蔭晚開時非因斜日無由見  
不是閒人豈得知寒地生材遺校易貧家養女嫁常遲  
春深一作風欲落誰憐惜白侍郎來折一枝

夜調琴憶崔少卿

今夜調琴忽有情欲彈惆悵憶崔卿何人解愛中徽上



秋思頭邊八九聲

阿崔

謝病卧東都羸然一老夫孤單同伯道遲暮過商瞿豈  
料鬢成雪方看掌弄珠已衰寧望有雖晚亦勝無蘭入  
前春夢桑懸昨日弧里閭多慶賀親戚共歡娛臙剃新  
胎髮香綳小繡襦玉芽開手爪酥顆點肌膚弓冶將傳  
汝琴書勿墜吾未能知壽夭何暇慮賢愚乳氣初離殼  
啼聲漸變鵲何時能反哺供養白頭烏

贈鄰里往還

問予何故獨安然免被饑寒媼嫁牽骨肉都盧無十口  
糧儲依約有三年但能斗數人間事便是逍遙地上仙  
唯恐往還相厭賤南家飲酒北家眠

王子晉廟

子晉廟前山月明人聞

一作問

往往夜吹笙鸞吟鳳唱聽

無拍多似霓裳散序聲

晚起

起晚憐春暖歸遲愛月明放慵長飽睡聞健且閒行北  
闕停朝簿西方入社名唯吟一句偈無念是無生

酬皇甫賓客

玄晏家風黃綺身深居高卧養精神性慵無病常稱病  
心足雖貧不道貧竹院君閒銷永日花亭我醉送殘春  
自嫌詩酒猶多興若比先生是俗人

池上贈韋山人

新竹夾平流新荷拂小舟衆皆嫌好拙誰肯伴閒遊客

為忙多去僧因飯暫留獨憐韋處士盡日共悠悠

無夢

老眼花前闇春衣雨後寒舊詩多忘却新酒且嘗看拙  
定於身穩慵應趣伴難漸銷名利想無夢到長安

對小潭寄遠上人

小潭澄見底閒客坐開襟借問不流水何如無念心彼  
惟清且淺此乃寂而深是義誰能答明朝問道林

閒吟二首

留司老賓客春盡興如何官寺行香少僧房寄宿多閒  
傾一醖酒醉聽兩聲歌憶得陶潛語羲皇無以過

閒遊來早晚已得一周年嵩洛供雲水朝廷乞俸錢長  
歌時獨酌飽食後安眠聞道山榴發明朝向玉泉

獨遊玉泉寺

三月三十日

雲樹玉泉寺肩舁半日程更無人作伴祇共酒同行新  
葉千萬影殘鶯三兩聲閒遊竟未足春盡有餘情

晚出尋人不遇

籃輦不乘乘晚涼相尋不遇亦無妨輕衣穩馬槐陰下  
自要閒行一兩坊

苦熱

頭痛汗盈巾連宵復達晨不堪逢苦熱猶賴是閒人朝  
客應煩倦農夫更苦辛始慙當此日得作自由身

銷暑

何以銷煩暑端居一院中眼前無長物窗下有清風熱  
散由心靜涼生為室空此時身自得難更與人同

行香歸

出作行香客歸如坐夏僧牀前雙草屨簷下一紗燈珮  
委腰無力冠欹髮不勝鸞臺龍尾道合盡上少年登

同王十七庶子李六員外鄭二侍御同年四人

遊龍門有感而作

一曲悲歌酒一尊同年零落幾人存世如閱水應堪歎  
名是浮雲豈足論各從仕祿休明代共感平生知己恩  
今日與君重上處龍門不是舊龍門

池上小宴問程秀才

洛下林園好自知江南景

一作境

物闌相隨淨淘紅粒罽

香飯薄切紫鱗烹水葵雨滴篷聲青雀舫浪搖花影白  
蓮池停桡一問蘇州客何似吳松江上時

橋亭卯飲

卯時偶飲齋時卧林下高橋橋上亭松影過窗眠始覺  
竹風吹面醉初醒就荷葉上包魚鮓當石渠中浸酒餅  
生計悠悠身兀兀甘從妻喚作劉伶

一作靈



舟中夜坐

潭邊霽後多清景  
橋下涼來足好風  
秋鶴一雙船一隻  
夜深相伴月明中

戲和微之荅竇七行軍之作

依本韻

旌鉞從橐鞬  
寶僚禮數全  
夔龍來要地  
鵷鷺下遼天  
赭汗騎驕馬  
青娥舞醉仙  
合成江上作  
散到洛中傳  
陋巷能無酒  
貧池亦有船  
春裝秋未寄  
謾道有閒錢

閒忙

奔走朝行內棲遲林墅間多因病後退少及健時還斑  
白霜侵鬢蒼黃日下山閒忙俱過日忙校不如閒

西風

西風來幾日一葉已先飛新霽乘輕屐初涼換熟衣淺

渠銷

一作鋪

慢水疎竹漏斜暉薄暮青苔巷家僮引鶴歸

題西亭

多見朱門富貴人林園未畢即無身我今幸作西亭主  
已見池塘五度春

觀游魚

繞池閒步看魚游  
正值兒童弄釣舟  
一種愛魚心各異  
我來施食爾垂鉤

看採蓮

小桃閒上小蓮船  
半採紅蓮半白蓮  
不似江南惡風浪  
芙蓉池在卧牀前

看採菱

菱池如鏡淨無波  
白點花稀青角多  
時唱一聲新水調

謾人道是採菱歌

天老

早世身如風裏燭暮年髮似鏡中絲誰人斷得人間事  
少天堪傷老又悲

秋池

洗浪清風透水霜水邊閒坐一繩牀眼塵心垢見皆盡  
不是秋池是道場

登天宮閣

午時乘興出薄暮未能還高上煙中閣平看雪後山委  
形羣動裏任性一生間洛下多閒客其中我最閒

新雪二首

寄楊舍人

不思北省煙霄地不憶南宮風月天唯憶靜恭楊閣老  
小園新雪煖爐前

不思朱雀街東鼓不憶青龍寺後鐘唯憶夜深新雪後  
新昌臺上七株松

日高卧

怕寒放嬾日高卧臨老誰言牽率身夾幕繞房深似洞  
重裯襯枕煖於春小青衣動桃根起嫩綠醅浮竹葉新  
未裹頭前傾一醖何如衝雪趁朝人

和微之任校書郎日過三鄉

三鄉過日君年幾今日君年五十餘不獨年催身亦變  
校書郎變作尚書

和微之十七與君別及隴月花枝之詠

別時十七今頭白惱亂君心三十年垂老休吟花月句

恐君更結後身緣

和微之歎槿花

朝榮殊可惜暮落實堪嗟若向花中比猶應勝眼花

思往喜今

憶除司馬向江州及此凡經十五秋雖在簪裾從俗累  
半尋山水是閒遊謫居終帶鄉關思領郡猶分邦國憂  
爭似如今作賓客都無一念到心頭

題平泉薛家雪堆莊

怪石千年應自結靈泉一帶是誰開  
覺為宛轉青蛇項噴作玲瓏白雪堆  
赤日旱天長看雨玄陰臘月亦聞雷  
所嗟地去都門遠不得肩舁每日來

和微之道保生三日

相看鬢似絲始作弄璋詩且有承家望  
誰論得力時莫興三日歎猶勝七年遲

予老微之七歲

我未能忘喜君應不合

悲嘉名稱道保乞姓號崔兒但恐持相竝  
蒹葭瓊樹枝

哭皇甫七郎中

湜



志業過玄晏詞華似禰衡多才非福祿薄命是聰明不

得人間壽還留身後名涉江文一首便可敵公卿

持正奇文

甚多涉江  
一章尤著

### 晚起

爛漫朝眠後頻伸晚起時煖爐生火早寒鏡裏頭遲融  
雪煎香茗調酥煮乳糜慵饒還自哂快活亦誰知酒性  
溫無毒琴聲淡不悲榮公三樂外仍弄小男兒

### 疑夢二首

莫驚寵辱虛憂喜莫計恩讐浪苦辛黃帝孔丘無處問  
安知不是夢中身

鹿疑鄭相終難辨蝶化莊生詎可知假使如今不是夢  
能長於夢幾多時

夜宴惜別

笙歌旖旎曲終頭轉作離聲滿坐愁箏怨朱絃從此斷  
燭啼紅淚為誰流夜長似歲歡宜盡醉未如泥飲莫休  
何況雞鳴即須別門前風雨冷修修

歸來二周歲

歸來二周歲二歲似須臾池藕重生葉林鴉再引鷄時  
豐實倉庫春暖葺庖厨更作三年計三年身健無

吾土

身心安處為吾土豈限長安與洛陽水竹花前謀活計  
琴詩酒裏到家鄉榮先生老何妨樂楚接輿歌未必狂  
不用將金買莊宅城東無主是春光

題岐王舊山池石壁

樹深藤老竹迴環石壁重重錦翠斑俗客看來猶解愛  
忙人到此亦須閒況當霽景涼風後如在千巖萬壑間  
黃綺更歸何處去洛陽城內有商山

病眼花

頭風目眩乘衰老祇有增加豈有瘳

傳云有加而無瘳

花發眼

中猶足怪柳生肘上亦須休大窠羅綺看纔辨小字文  
書見便愁必若不能分黑白却應無悔復無尤

早飲醉中除河南尹敕到

雪擁衡門水滿池  
溫爐卯後煖  
寒時綠醅新  
耐嘗初醉  
黃紙除書到  
不知厚俸自來誠  
忝濫老身欲起尚遲疑  
應湏了却丘中計  
女嫁男婚三逕資

除夜

病眼少眠非守歲  
老心多感又臨春  
火銷燈盡天明後  
便是平頭六十人

府西池

柳無氣力枝先動  
池有波紋冰盡開  
今日不知誰計會

春風春水一時來

天津橋

津橋東北斗亭西到此令人詩思迷  
暑月晚生神女浦  
臉波春傍窈娘堤  
柳絲裊裊風綵出  
草纓茸茸雨剪齊  
報道前驅少呼喝  
恐驚黃鳥不成啼

不准擬二首

籃輦騰騰一老夫  
褐裘烏帽白髭鬚  
早衰饒病多蔬  
食筋力消磨合有無  
不准擬身年六十上山仍未要人扶

憶昔謫居炎瘴地巴猿引哭虎隨行多於賈誼長沙苦  
小校潘安白髮生不准擬身年六十遊春猶自有心情

府中夜賞

櫻桃廳院春偏好石井欄堂夜更幽白粉牆頭花半出  
緋紗燭下水平流閒留賓客嘗新酒醉領笙歌上小舟  
舞袖飄飄擢容與忽疑身是夢中遊

府西池北新葺水齋即事招賓偶題十六韻

繚繞府西面潺湲池北頭鑿開明月峽決破白蘋洲清

淺漪瀾急黃緣浦嶼幽直衝行徑斷平入卧齋流石疊  
青稜玉波翻白片鷗噴時千點雨澄處一泓油絕境應  
難別

悲列反

同心豈易求少逢人愛翫多是我淹留夾岸

鋪長簾當軒泊小舟枕前看鶴浴牀下見魚遊洞戶斜  
開扇疎簾半上鉤紫浮萍泛泛碧亞竹修修讀罷書仍  
展碁終局未收午茶能散睡卯酒善銷愁簷雨晚初霽  
窗風涼欲休誰能伴老尹時復一閒遊

哭崔兒



掌珠一顆兒三歲鬢

一作髮

雪千莖父六旬豈料汝先為

異物常憂吾不見成人悲腸自斷非因劍啼眼加昏不  
是塵懷抱又空天默默依前重作鄧攸身

初喪崔兒報微之晦叔

書報微之晦叔知欲題崔字淚先垂世間此恨偏敦我  
敦音堆天下何人不哭兒蟬老悲鳴拋蛻後龍眠驚覺  
見詩注

失珠時文章十一

一作千

帙官三品身後傳誰庇廕誰

府齋感懷酬夢得

時初喪崔兒夢得以詩相安云從此期君比瓊樹一枝吹

折一枝生故有  
此落句以報之

府伶呼喚爭先到家醞提攜動輒隨合是人生開眼日  
自當年老歛眉時丹砂鍊作三銖土玄髮看成一把絲  
勞寄新詩遠安慰不聞枯樹再生枝

齋居

香火多相對葷腥久不嘗黃耆數匙粥赤箭一甌湯厚  
俸將何用閒居不可忘明年官滿後擬買雪堆莊

與諸道者同遊二室至九龍潭作

喜逢二室遊仙子厭作三川守土臣舉手摩挲潭上石  
開襟斗藪府中塵他日終為獨往客今朝未是自由身  
若言尹是嵩山主三十六峰應笑人

履道池上作

家池動作經旬別松竹琴魚好在無樹暗小巢藏巧婦  
渠荒新葉長慈姑不因車馬時時到豈覺林園日日蕪  
猶喜春深公事少每來花下得踟躕

六十拜河南尹

六十河南尹前途足可知老應無處避病不與人期幸  
遇芳菲日猶當強健時萬金何假藉一醖莫推辭流水  
光陰急浮雲富貴遲人間若無酒盡合鬢成絲

重修府西水亭院

因下疏為沼隨高築作臺龍門分水入金谷取花栽繞  
岸行初匝憑軒立未迴園西有池位留與後人開

與諸公同出城觀稼

老尹醉醺醺來隨年少羣不憂頭似雪但喜稼如雲歲

望千箱積秋憐五穀分何人知帝力堯舜正為君

水堂醉卧問杜三十一

聞君洛下住多年何處春流最可憐為問魏王堤岸下  
何如同德寺門前無妨水色堪閒翫不得泉聲伴醉眠  
那似此堂簾幙底連明連夜碧潺湲

歲暮言懷

職與才相背心將口自言磨鉛教切玉驅鶴一作鴈遣乘

軒只合居巖窟何因入府門年終若無替轉恐負君恩

座中戲呈諸少年

衰容禁得無多酒，秋鬢新添幾許霜。  
縱有風情應淡薄，假如老健莫誇張。  
興來吟詠從成癖，飲後酣歌少放狂。  
不為倚官兼挾勢，因何入得少年場。

雪後早過天津橋偶呈諸客

官橋晴雪曉，峩峩老尹行。  
吟獨一過紫綬，相輝應不惡。  
白鬚同色復如何，悠揚短景凋年急。  
牢落衰情感事多，猶賴洛中饒醉客。  
時時泥我喚笙歌。

新製綾襖成感而有詠

水波文襖造新成，綾軟綿勻溫復輕。  
晨興好擁向陽坐，晚出宜披蹋雪行。  
鶴氅毳疎無實事，木棉花冷得虛名。  
宴安往往歡侵夜，卧穩昏昏睡到明。  
百姓多寒無可救，一身獨煖亦何情。  
心中為念農桑苦，耳裏如聞饑凍聲。  
爭得大裘長萬丈，與君都蓋洛陽城。

早春雪後贈洛陽李長官長水鄭明府二同年

獻歲晴和風景新，銅駝街郭暖無塵。  
府庭一作亭

共賀三

川雪縣道分行百里春朱紱洛陽官位屈青袍長水俸  
錢貧有何功德紆金紫若比同年是幸人

醉吟

醉來忘渴復忘饑冠帶形骸杳若遺耳底齋鐘初過後  
心頭卯酒未消時臨風朗詠從人聽看雪閒行任馬遲  
應被衆疑公事慢承前府尹不吟詩

府酒五絕

變法



自慚到府來周歲惠愛威稜一事無唯是改張官酒法  
漸從濁水作醍醐

招客

日午微風且暮寒春風冷峭雪乾殘碧氈帳下紅爐畔  
試為來嘗一醖看

辨味

甘露太甜非正味醴泉雖潔不芳馨  
栢中此物何人別  
柔旨之中有典刑

自勸

憶昔羈貧應舉年脫衣典酒曲一作出江邊十千一斗猶

賒飲何況官供不著錢

諭妓

燭淚夜粘桃葉袖酒痕春汚石榴裙莫辭辛苦供歡宴  
老後思量悔煞君

晚歸早出

筋力年年減風光日日新退衙歸逼夜拜表出侵晨何

處臺無月誰家池不春莫言無勝地自是少閒人坐厭  
推囚案行嫌引馬塵幾時辭府印却作自由身

南龍興寺殘雪

南龍興寺春晴後緩步徐吟繞

一作到

四廊老趣風花應

不稱閒尋松雪正相當吏人引從多乘輦賓客逢迎少  
下堂不擬人間更求事此些疎嬾亦何妨

天宮閣早春

天宮高閣上何頻每上令人耳目新前日晚登緣看雪

今朝晴望為迎春林鶯何處吟  
箏柱牆柳誰家曬翅塵  
可惜三川虛作主風光不屬白頭人

履道居三首

莫嫌地窄林亭小莫厭貧家活計微  
大有高門鑠寬宅  
主人到老不曾歸

東里素帷猶未徹南鄰丹旆又新懸  
衡門蝸舍自慙媿  
收得身來已五年

世事平分衆所知何嘗苦樂不相隨  
唯餘耽酒狂歌客

只有樂時無苦時

和夢得冬日晨興

漏傳初五點雞報第三聲  
帳下從容起窗間曉  
曉明照書燈未滅  
煖酒火重生理曲弦歌動先聞唱渭城

雪夜對酒招客

帳小青氈煖  
栢香醪蟻新醉憐  
今夜月歡憶去年人  
闌落燈花燼閒生草座塵  
慙懃報弦管明日有嘉賓

贈晦叔憶夢得

自別崔公四五秋因何臨老轉風流歸來不說秦中事  
歇定唯謀洛下遊酒面浮花應是喜歌着歛黛不關愁  
得君更有無厭意猶恨尊前欠老劉

醉後重贈晦叔

老伴知君少歡情向我偏無論疎與數相見輒欣然各  
以詩成癖俱因酒得仙笑迴青眼語醉竝白頭眠豈是  
今投分多疑宿結緣人間更何事攜手送衰年

睡覺

星河耿耿漏綿綿月闌燈微欲曙天轉枕頻伸書帳下  
披裘箕踞火爐前老眠早覺常殘夜病力先衰不待年  
五欲已銷諸念息世間無境可勾牽



御定全唐詩卷四百五十一